

PLOANIES DA SAN MARTIN Y LUNGIARÜ

Tl cheder dles incuntades dl grup de autoaiüt „Atmosfera“ tëgn siur Sepl Granruaz tla stüa da Oies en jöbia ai 22 de merz dales 15.30 n referat “Ciodí nes salva pa la cruzifijiun de Gejú?„ Le referat é davert a düc, info Sabine Rainer 0474 524 519.

SAN MARTIN

Invit: En lönesc, ai 19 de merz, dales 19.00, mëssa ciantada y dedô referat por düc cun siur Sepl Granruaz tl salf di stödafüch “Ciodí é pa Gejú mort söla crusc?”.

Mitans y mituns pó gní a fá deboriada la granara dal Orí: en sabeda, ai 24 de merz, dales 10.00, dan colonia. Tolésse cun os na maza y le patüc (rames, orí, iac, vëtes) sc’i l’ëis bele, zënza nen ciafëise. I adorassun ince n valgügn peri da daidé! –

La Uniun dles Ères y di Èi invieia ala festa di iubilars en domënia, ai 8 d’aurí, cun mëssa y sté adöm tl salf di stödafüch. Düc i pers che é 10, 15, 20, 25, 30, 35, 40, 45, 50, 55, 60 ... agn maridá é dër bel invia. Chësc avis vel sciöche invit.

Le KVV da San Martin ves invieia en vëndres, ai 23 de merz, fora dal Crist a perié les Staziuns. I podun jí cun le bus da San Martin demez dales 13.10 y dala Burcia dales 13.20 y rovun fora dal Crist dales 14.00. Dedô sëise invia a bëre n tê cialt. Le bus ite pert pëia ia da San Laurënz dales 16.15 o dales 17.15. Düc é bel invia.

Bel dilan dles ofertes en recordanza de Maria Tavella Vanzì por la dljia: fam. Ottilia Pedevilla; Cor de Dljia S.Martin, Pio y Angelina Baldissera; fam. Pire Vanzì, Margareth y Annamaria Conrater; Uniun di Iagri S.Martin; fam. Giorgio y Frieda Kostner; families Dorigo; Rita, Simon, Daniela Tavella; Implanc Portamunt A.B.; Rienz Beton; Impianti Colfosco; Nane y mituns Pescoller; fam. Carlo y Waltraud Canins; fredesc Baldissera; Pepi y Romi Dejacó; Veronica Pedevilla cun Verena y Günther; por la dljia da Picolin dala Vijinanza; por la cortina da Teresa Graffonara; Franz Verginer Kessl; por la Krebshilfe da Franz y Emma Pitscheider.-

LUNGIARÜ

La Uniun di Èi da Lungiarü invieia düc i èi da dé jö la usc por la lita di surastanc dla uniun, incö domënia, 18 de merz, cina les 18.00 , apé de dljia.

La Uniun di Èi invieia al referat “Ciodí á pa la jënt che á mazé Gejú söla crusc?” cun Siur Sepl Granruaz, incö domënia, ai 18 de merz, do mëssa te scora.

La SEA lascia alsavëi che la promoziun por n colegamënt a internet tres radio y fira, an prisc plü bas, se röia ai 31 de merz.

Incö domënia, 18 de merz, vëgnel venü a San Martin y Lungiarü, sön plaza de dljia, do la gran mëssa primules por l’Aiüt cuntra le crebesc – Südtirol.

Sot a www.Micura.it podëise descíarié le Program de Formaziun Aisciöda 2018

Le Sorvisc ai Jogn lascia alsavëi ch’al é ciamó posc lëdi tles edemes dl Isté Deboriada. Pro le Cool summer pón ciamó se scrí ite pro la “Bike week” y pro l’edema de “N artist por n’edema”. Pro le My summer pón ciamó tó pert al “Curs da arpizé” y “We are aktive”. Info pro Sorvisc ai Jogn 0474 523070.

La Comunità Comprensoriala de Puster chir por la La Spona a Pidrô na opera-dëssa sozio-assistenziala (figöra profesionala 38 – V. livel). Info 0471 843 060.

La Ciasa de Palsa Ojöp Frëinademetz chir praticanc/antes danter 16 y 21 agn por isté, che a vöia y motivaziun da imparé da conësce la Ciasa de Palsa y sü ghesc. Por informaziuns 0474 524783 y sön la plata internet www.stiftungsparkasse.it. Se scrí ite pón tres la plata internet www.stiftungsparkasse.it.



www.unitepastorala.org

Plata dles Ploanies San Martin y Lungiarü

siur Iaco Ploner 333 48 32 765 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

18.03.18 – 25.03.18 nr. 16

termo da publiché: jöbia 20.00
radio: 90,40 / 93,70

5ª DOMÈNIA DE CARSÈMA - ANN B

Vangele: Jan 12,20-33

Mo Gejú ti à respognü:

L’ora é gnüda, che le Fi dl Om vëgn glorifiché.

Amen, amen, i ves diji:

Sce le granel de formënt ne toma nia te tera
y mör, romàgnel su;

mo sc’al mör pôrtel tröp früt.

Chël che é taché a süa vita, la perd;

mo chël che arata püch süa vita te chësc monn,
la mantignarà por la vita eterna.

Sce un ô me sorvì, déssel me gnì do;

y olache iö sun, dailò saral incé mi sorvidü.

Nosta vita é la cossa plü preziosa ch’i un.

Ara é por nos importante, i ti orun bun y se tacun a d’ëra.

Gejú deperpo nes dij ch’i dessun l’araté na cossa da püch.

Chësc stentunse da capí.

Mo al pó avëi rajun:

*Sc’i sun arjigné da ne m’araté me instës nia tan important,
da me daurí y me dediché y da me dé ca por val’ de gran,
por val’ che é maiú co mies preocupaziuns strëntes y egoistes,
se deura poscibilités ch’i ne conësci nia y ne m’imaginëii gnanca.*

*Pormó canch’i lasci ia y tëgni le cör y les mans davertes,
sciafiel da gní metü ite val’ de nü.*

Ince sc’i tolun ca la vita da vigni de:

*Tan de cosses che nes stá te tru ne sunsi pa nia bun da lascé ia
y da lascé morí jö te me, por podëi arjunje val’ deplü?*

*Y tan deplü, sc’i me deuri cun confidënza ala generosité de Chël Bel Dî
y me dá ca deplëgn, pó Idî me dé vita,*

deplü co ch’i m’ess imaginé, “vita eterna”, sciöche la Bibla dij.

Da jí plü sot te chësc vangele nes daida la funziun penitenziala.



	SAN MARTIN	LUNGIARÜ	 I un debojëgn dl cil I m'un pó ciamó mal incö, do 50 agn. Maestra Elisabeta â cialzá alc præsc cina sô dai jenëdli y jô tres cun la gonela. Y tres chi medemi cialzá fosc. Sües iames ê massa debles, porchël adorâra chi cialzá. Ch'ara ê malsana ne savônse nos mituns nia. Plü ion stônse a la coiené cun ac y riüdes. Sc'i pënsi do, mëssi bel dí ch'i n'á nia la cosciënza apost. Sciöche incö, ti periassi pordenanza. Al n'é tröc a chi ch'i ti un fat la vita ria y pesocia, da jí a scora, söl laur, te familia. N bel dé s'un vái y se tol súa soferënza impara te fossa. Nos atri restun indô col pëis dla colpa. Al é tan tröp che la vita ne avalieia nia fora: amur che resta zënza n dilan, soferënzes y colpes che ne vëgn nia sferiades demez sôn chësta tera... Chëstes se stracion do cina inultima. Chësta tan de vita sôla tera ne sciafia nia da ester döt. I tröc fis che se destira ia por tera mëss pô condüje invalgó. Tl cil. Pormó dailó vá nostes stories a fin. La mort stluj jô mia vita, mo nia tan de domandes davertes: la colpa, les soferënzes gaujades, l'amur ch'an á ciafé zënza dí n dilan. Por fá n fi su, fora di tröc, ól ester le cil. Tl cil ciararái te n spidl che me mostra la verité. Gonot la vëighi bele da n pez, sciöche pro la maestra Elisabeta. Tl chît la præii bele sëgn do pordenanza, spo ái demanco pëis da porté ia.
18.03.18 5ª DOMËNIA DE CARSËMA – B <i>Domënia dla Pasciun</i>	9.00 Funziun de Carsëma 9.30 Gran Mëssa por la comunité	7.55 Les Staziuns ciantades dal cor 8.15 Gran Mëssa por la comunité cun pordica de siur Sepl Granruaz dedo Istruziun di omi cun referat cun siur Sepl Granruaz te scora	
19.03.18 Lönesc <i>Sant Ujöp – Festa dl Pere</i>	19.00 Mëssa ciantada por la Union di ëi cun siur Sepl Granruaz dedô: Referat de siur Sepl Granruaz tl Salf di stödafüch - düc é invia	20.00 Mëssa por la union di ëi + Scimun Mischi + Pire Tavella, Cëch	
20.03.18 Dedolönesc <i>Irmgard, Claudia</i>	19.30 Mëssa + Albert Trebo, Tasser (dl ann) + Pepi Deiaco, Larjëi		
21.03.18 Dedemesaledema <i>Christian, Benedët</i>	18.00 Les Staziuns	7.50 Mëssa di scholars + Vittoria Clara, Somví + + de Sepl y Maria Clara, Somví	
22.03.18 Jöbia <i>Lea, Clemens, Elmar</i>	7.30 Mëssa di scholars familia Clement, Pice Ju + Lena Costabiei Moling Corona por vocaziuns		
23.03.18 Vëndres <i>Turibio, Rebeca</i>	18.30 Adoraziun chîta 19.00 Funziun de Carsëma	7.30 Mëssa + + + Maria, Milia y Rosa Canins + + Serafin y Emma Clara 19.30 Funziun penitenziara y confesciuns	
24.03.18 Sabeda <i>Elia, Catarina</i>	15.30 Mëssa tla Ciasa de Palsa 18.30 Mëssa prefestia familia Flöss Anví + Maria Tavella Vanzi a d'intenziun	20.00 Mëssa prefestia fam. Giovanni Mischi, Miscí + Carlo Planatscher + + Severino y Angela Clara	
25.03.18 DOMËNIA DAL ORÍ - B	10.00 Benedisciun dl Orí y ingres Pasciun do S. Merch y Eucaristia + dr. Josef Huber	8.15 Benedisciun dl Orí y ingres Pasciun do S. Merch y Eucaristia	